

LEKWALODIKGANG LA MALOKO



2020 KAROLO YA BOBEDI



MOLAETSA O O TSWANG GO PO

Leloko le le Rategang

Go thata go dumela gore 2020 e tloga e fela mme ruri e nnile ngwaga o o tletseng ditragalo. Mo boemong jwa Letlole, nka rata go romela dikgomotso tsa rona go ba ba latlhegetsweng ke ba ba ratang ka ntlha ya COVID-19 mme re rapelela gore ba ba tshwaeditsweng ke mogare ba fole ka bonako. Leroborobo leno le amile lefatshe lotlhe ka tsela e e sa siamang mme re ka solofela fela gore maemo a a maswe le go

feta a setse a fetile. Dithibelo tsa kganelo ya batho go tswa mo matlong di tshofaditswe fela thata, mme mogare one ga o ise o fele. Tswelala go tsaya dikgato tsa go sireletsa wena le ba ba nang le wena.

Fa e le gore o ipotsa gore COVID-19 e amile jang ditshiamelo tsa gago tsa go rola tiro, re akareditse setlhogo se se mabapi le se o tlhokang go se itse gore COVID-19 e amileng jang ditshiamelo tsa gago tsa fa o rola tiro.

Re ntse re dira ka natla, le fa go le leroborobo re beeletsa, go tlhomamisa gore dipotso di rarabololwa ka nako. Ka ntlha ya seo, re itumelela thata go bo re tla kgona go thusa wena le baamogeladitshiamelo ka dipotso re lebane difatlhego e re ka mafelo a botseno a a jalo a tla bo a dira ka botlalo.

Gape re na le dikgang tse di itumedisang fela thata tse re batlang go di abelana le wena mo lekwalodikgannyeng leno tse di amanang le thulaganyo ya dimpho tsa Masibambisane. Ka 2018 re ile ra dira patlisiso ya mmara mme dipholo di bontshitse gore maloko a rona a ne a batla thulaganyo ya go amogela maduo. Re itumelela go go itsise gore thulaganyo ya go amogela maduo e gone! Bala gotlhe ka yone mo tsebe 2. Eno ke tsela ya go re re ya leboga go tlhopa MWPF mme re lebeletse pele tirisano mme e e nnelang ruri le e e nang le maduo le wena.

Ke itumeletse go go thusa fa ke ne ke dira mo Boemong Jwa PO mo dibekeng tse thataro tse di fetileng mme ke rata go tsaya nako eno go amogela PO e ntsha Mr Frans Phakgadi yo o tseneng mo letloleng ka 01 October 2020. Re motlotlo go nna le ene mme re itse gore o tle go tliša boleng jo bogolo mo Letloleng.

Fa re tswala, re solofela gore o tla fitlhela lekwalodikgang leno le sedimosa. Ngwaga wa 2020 ga wa simologa ka tsela e re neng re e rulagantse, mme a re diriseng nako e e setseng mme re e wetse ka maatla.

Re eleletsa wena le lelapa la gago tsotlhe tse di molemo.

Madume

**Amma Amparheng
Yo o Dirang e le PO le CFO**

Re lo itsise ka dimpho tse diswa tsa Masibambisane - pg 2

Go ise go ye kae o tla nna le motlamedi wa ditirelo o moswa wa kadimo ya madi a go reka ntlo - pg 3

Tsamaiso ya Matlole a Go Rola Tiro - pg 3

App ya MWPF e gone- pg 4

Tlhagiso ya Boferefero - pg 5

Boferefero Jwa ditshiamelo tse di sa lopiwang - Pg 5

Dithopho tsa maloko a a rolang tiro - pg 5

Sotlhe se o tlhokang go se itse mabapi le kafa COVID-19 e amileng ka teng madi a o a bolokileng mo letloleng la gago la go rola tiro - pg 6

Re lo itsise ka dimpho tse DISWA tsa Masibambisane

Lo kopile seno mme re lo arabile! Thulaganyo ya Dimpho tsa Masibambisane e tlamela maloko le malapa a le mabedi a a tlhophilweng gore a bone dithulaganyo tse di kgethegileng le diphokoletso tsa ditlhwatlhwa mo mabenkeleng a Shoprite, Checkers, Boxer le Checkers Hyper.

Maloko otlhe le maloko a malapa a one a a tlhophilweng a tla newa diphokoletso tsa ditlhwatlhwa mo dikorousaring tsa bone go dirisiwa dikhupone tsa pampiri le tsa dijitala. Tsaya bukana ya gago kwa moemedi wa gago wa HR mme o simolole go boloka. Elatlhoko gore go tlile go nna le bukana e ntšha e e nang le dilo tse diswa dikgwedi dingwe le dingwe tse tharo mme nako ya dilo tseo e tla fela mo dikgweding tse thataro.

Tsela ya go newa diphokoletso tsa ditlhwatlhwa

1. Dikhupone Tsa Bukana

Segolola khupone ya gago mme fa o ya go reka kwa lebenkeleng la Shoprite, Checkers kgotsa Boxer, batla dilo tse di bapaditsweng mo khuponeng. Ntsha khupone le se o se rekileng kwa thiling mme o fokoletse tihwatlhwa ya selo seo ka yone nako eo.

Bukana ya Dimpho tsa Masibambisane ya Diphokoletso Tsa Ditlhwatlhwa Tsa Dikorousara e tshwana le go tshwara madi mo letsogong ka jalo e boloke e babalesegile!

2. Dikhupone Tsa Dijitala

- Tsaya dikhupone tsa gago mo lefelong la inthanete ka selulafounu: www.mwppfwards.co.za kgotsa tobetsa *120*207# mo selulafounung ya gago.
- Leloko la konokono le tla tsena le dirisa – Nomoro ya intaseteri.
- Leloko le le tlhophilweng la lelapa le tla tsena le dirisa – Nomoro ya ID.

- Leba mme o tsenye dikhupone tsa gago tse o di tlhophileng mo manking wa gago.
- Gore o newe phokoletso ya tlhwatlhwa ya khupone ya gago, tobetsa “Manki wa Me” le “Duela Manki”.

Tsamaya le SMS ya khupone ya gago fa o ya go reka kwa lebenkeleng la Shoprite kgotsa Checkers, batla selo se se bapaditsweng mo khuponeng. Naya motho wa thili khouto ya khupone le selo mo thiling mme o newe phokoletso ya sone ka yone nako eo. Tihomamisa gore o tsaya selo se se nepagetseng (Bogolo, Letshwaokgwebo, Tlhaloso) gore o newe phokoletso ya gago ya tlhwatlhwa.

Se o ka se dirang gore maloko a lelapa la gago a bone Dimpho tsa Masibambisane tsa gago

Leloko lengwe le lengwe la MWPF le ka naya maloko a le mabedi a lelapa Dimpho tsa Masibambisane tsa bone. Seno o ka se dira jaana:

Tlhopho ya 1

Romela SMS ya mahala e na le nomoro ya gago ya intaseteri, nomoro ya ID ya leloko la gago la lelapa le nomoro ya selulafounu ya leloko la lelapa la gago go 49967. Go tlhopha leloko la lelapa la bobedi, boeletsa se se fa godimo o dirisa tshedimose tso ya leloko la lelapa la bobedi.

Tlhopho ya 2

Letsetsa Lefelo la go Bona Thuso ka Mogala la MWPF go 010 100 3000
Tobetsa *120*207#, tsena mme o tlhophe “tlhopa leloko la lelapa”, o bo o latela ditaello.

Itumelele go reka!

GO ISE GO YE KAE O TLA NNA LE MOTLAMEDI WA DITIRELO o moswa wa kadimo ya madi a go reka ntlo

Re itumelela go go itsise gore re tlhophile First National Bank (FNB) go nna mongwe wa batlamedi ba rona ba ditirelo tsa kadimo ya madi a go reka ntlo e le gore o ka nna le kgololesego ya go ithlhopela re oketsa go motlamedi wa ditirelo wa ga jaana wa rona. Fa FNB e le motlamedi wa ditirelo o moswa o tla nna le tshono ya go bapisa le go tlhopha motlamedi wa ditirelo yo o tshwanelang sentle ditlhoko tsa gago.

Go FNB o tla nna le dilo tse di latelang:

- Kelo ya morokotso e e kwa tlase e e tlhomameng (kelo ya morokotso e e kwa tlase e e tsa)
- Tuediso ya gangwe ya go simolola kopo ya R490 Go akaretsa VAT
- Tuediso ya kgwedi le kgwedi ya tsamaiso ya R69.00 Go akaretsa VAT
- Selekanyogodimo sa lobaka lwa tuelo ke dingwaga tse 20 (dikgwedi tse 240)
- Inšorensense ya sekoloto ya fa o tlhokafala ya ithlhopelo ya R2.49 go R1 000.00 nngwe akaretsa ditshiamelo tse di latelang:
 - o Inšorensense ya loso – Madi a a setseng a sekoloto ka botlalo
 - o Inšorensense ya Permanent and Total Disability (PTD) – Madi a a setseng a sekoloto ka botlalo.
 - o Inšorensense ya fa o kgaolwa mo tirong- E duela go fitlha go tuelo ya kgwedi le kgwedi ya dikgwedi tse 12.
 - o Inšorensense ya Temporary and Total Disability (TTD) - E duela go fitlha go dikgwedi tse 12 kgotsa o sa tlhole o golafetse, epe e e leng nako e khutshwane.



Re tla buisana ka letlha le e simololang go dira ka lone le thulaganyo ya go dira kadimo ya madi a go reka ntlo. Ga jaana, fa o na le dipotso dipe, tsweetswee golagana le lefelo la rona le le founelwang go bona thuso go 010 100 3001.

Tsamaiso ya Matlole a Go Rola Tiro



Re itumelela go nna mo boemong jwa go tlamela maloko a rona ka ditshiamelo tse ka totobalo di diretsweng go fitlhelela ditlhoko tsa bone. Boikaelelo jwa rona ke go dira pharologano mo botshelong jwa gago, nako e telele fa o sena go rola tiro mme re itumelela go itsise gore fa o tthatlositse mo maemong a mangwe go ya go a mangwe, ga o batliwe gore o fetole go nna leloko ga gago mo letloleng. Ka mafoko a mangwe, o ka nna go MWPF mme wa tswelala go itumelela ditshiamelo tsa rona tse di kwa godimo.

Mo godimo ga moo, fa ka nako nngwe o ile wa tthatlosiwa mme wa isiwa kwa letloleng le le farologaneng, o letleletswe go boela kwa letloleng la gago la kwa tshimologong.

O ka nna leloko la MWPF botshelo jotlhe tota le fa o tthatlosiwa.




App ya MWPF e gone


Re itumelela go go itsise gore app ya rona e ntšha e a dira. Jaanong o ka bona diteitemente tsa gago tsa tshiamelo, lekwalodikgang le dilo tse dingwe tse dintsi mo selulafounung ya gago.

Go nna le app, o ka itseela yone mo thulaganyong ya Google Play Store mo founong ya gago ya android.


Fa o sena go tlhopha “Play store” batla “Mineworkers Provident Fund” mme o tlhophe “Install” jaaka go bontshitswe mo setshwantshong fa tlase.




1 Morago ga go tlhopha “Install” go tla tlhagisiwa sekerini se se fa tlase.



3 Go tswa foo o tla tsena o dirisa dintlha tsa nakwana tsa go tsena tse Letlole di tla go di romeleng ka SMS. Fa o tsena, “Forgot Password?” e tla tlhaga e e tla go laelang go tsenya dinomoro tsa mogala kgotsa aterese ya imeile ya gago e o kwadisitseng ka yone. Go tswa foo o tla romelwa One-Time Password (OTP) ka SMS kgotsa imeile. Tsenya OTP e o e amogetseng. Fa go ntšhafatsa lefoko la go tsena go atlegile, o tla tswelala go tsena o dirisa lefoko la go tsena le lentšha la go tsena.



2 Fa app e fetsa go tsena mo founong ya gago, go tla tlhagisiwa sekerini se se fa tlase.



4 Fa o setse o tsene o tla kgona go tlhama porofaele le go tsenya setshwantsho fa o batla go dira jalo. Gape o tla kgona go bona diteitemente tsa gago tsa tshiamelo, boleng jwa peeletso mme o kgone go ntšhafatsa dintlha tsa gago tsa botho tse di jaaka aterese ya gago, nomoro ya selulafounu le baamogeladitshiamelo. Gape o tla kgona go bona dintlha ka ga tshiamelo ya loso, tshiamelo ya kgalafalo, tshiamelo ya go rola tiro, tshiamelo ya go kgaolwa mo tirong, tshiamelo ya Lotseno Lwa Botshelo Jotlhe le Thulaganyo ya Dimpho tsa Madibambisane.

Jaanong o ka nna le tshedimosetso yotlhe e o e tlhokang mo menwaneng ya gago. Fa o na le dipotso dipe o ka re letsetsa go 010 100 3000.

TLHAGISO YA BOFEREFERE

Ka May re ile ra buisana le wena re go tlhagisa ka tiro ya boferere e e diragalelang maloko a a sa tswang go rola tiro mme a lebeletse tuelo go tswa MWPF a a neng a letsetswa ke maferere a a neng a itira bagakolodi ba MWPF. Maloko ano go tswa foo a ne a kopiwa go tima diselulafounu tsa bone metsotso e le mmalwa ba bo ba di tshuba gape.

Maferere a ne a dira seno gore maloko a seka a bona melaetsa ya dikitsiso tsa dibanka tsa bone tsa madi a a gogwang mo diakhaonteng tsa bone. Tsweetswee ela tlhoko gore MWPF e ka se letsetse maloko a bone e bo e ba laela go tima diselulafounu tsa bone. Gape re ka se kope maloko go tlhomamisa dintlha tsa bone tsa banka. Re go kgothaletsa go ntsha matlho dinameng mme fa o sa tlhomamisega ka mogala, ikgolaganye le rona go 010 100 3000, go tlhomamisa.



Gape re etse tlhoko gore go na le dikhamphane di le mmalwa tsa boferere tse di tsietsang badiri ba maloba ba moepo gore ba dumele gore ba na le madi a bone a ba iseng ba a lope. Badiri ba maloba ba moepo ba dirwa gore ba dumela gore dikhamphane tseno di tla ba direla topo mme ba kopiwa go dira tuelo gore thulaganyo eno e dirwe.

Go botlhokwa go ela tlhoko gore MWPF ga e batle tuelo epe go tlhola gore a modiri wa maloba wa moepo o na le ditshiamelo tse di sa lopiwang le rona. E bile ga re batle tuelo epe go rulaganya ditshiamelo dipe tse di sa lopiwang. Ba ba batlang go tlhola fa go na le ditshiamelo dipe tse di setseng ba ka ikgolaganya le MWPF ka tlhamalalo mme ga go tlhokege lephata la boraro. Fa wena kgotsa badiri ba maloba ba moepo ba batliwa tuelo, seno ke boferere mme MWPF ga se karolo ya thulaganyo eo.



Ditlhopho tsa maloko a a rolang tiro

Ao ne o itse gore re thusa ka kgakololo ya ditshiamelo tsa tholotiro go maloko a a tlogang a rola tiro go tlhomamisa gore ba itse ka ditlhopho tse ba nang le tsone fa ba sena go rola tiro? Fa e le gore o tloga o rola tiro mo dikgweding tse thataro tse di latelang, se o tlhokang go se dira fela ke go romela leina la gago le nomoro ya go ikgolaganya le wena go 071 887 6515 mme mogakolodi wa ditshiamelo tsa fa o rola tiro o tla ikgolaganya le wena ka mogala go rulaganya letsatsi le o tla tlhalosetswang ditlhopho tsa gago tsa go rola tiro. Ga se sone sotlhe, gape re na le thulaganyo ya Lotseno Lwa Botshelo Jotlhe e o amogelang madi a diranta a a tlhomamisitsweng botshelo jwa gago jotlhe. Fa o rola tiro o ka tlhopho go tsaya madi otlhe a o a kolotiwang ke

lotlole e le kheše kgotsa mangwe a madi a o a kolotiwang ke letlole e le kheše mme wa dirisa a a setseng go reka thulaganyo ya Lotseno Lwa Botshelo Jotlhe kgotsa o ka dirisa madi otlhe a o a kolotiwang ke letlole go reka thulaganyo ya Lotseno Lwa Botshelo Jotlhe.

Fa o tlhokafala dingwaga di le 10 fa o sena go rola tiro, baamogeladitshiamelo ba o ba tlhophileng ba tla amogela madi otlhe a a kompa a lotseno a a setseng.

Fa o tloga o rola tiro mme o ka rata go itse mo go oketsegileng, romela 'quote' le nomoro ya gago go **071 887 6515** mme mogakolodi wa MWPF o tla go letsetsa.



Sotlhe se o tlhokang go se itse mabapi le kafa COVID-19 e amileng ka teng madi a o a bolokileng mo **letloleng la gago la go rola tiro**

1 Madi a me a ke a bolokileng mo letloleng la go rola tiro a amiwa jang ke kganelo ya batho go tswa mo matlong?

Madi a go rola tiro a a bolokilweng ke maloko a amilwe ke kganelo ya batho go tswa mo matlong ya Covid-19 ka tsela e e sa siamang. Mineworkers Provident Fund e tshamile leano la peeletso e e tsayang lobaka lo loleele e e diretsweng go godisa madi a gago a o a bolokileng e le gore o ka rola tiro sentle. Letlole le godisa madi a a bolokilweng ke maloko ka go beeletsa dikabo tsa gago mo dimmarakeng tsa madi jaaka go beeletsa mo dikhamphaneng tse di kwadisitweng mo Johannesburg Stock Exchange le New York Stock Exchange le go reka dibonto tsa puso le didirisiwa tse dingwe. Go tlhaga ga Covid-19 go bakile boifo mo lefatsheng e re go se ope yo o neng a tlhologanya kafa mogare ono o neng o ama ikononi ya lefatshe ka gone. Ka ntlha ya seo, dimmaraka tsa madi di ne tsa rekisa thata go tloga magareng a Feb 2020 go ya bowelong jwa Mar 2020 mme di tihomame ka gore Mineworkers Provident Fund e tshatloge ka 0.89% go tloga kgwedi e e fetileng ka August 2020 le go tshatloga ka 5.33% go tloga ngwaga o o fetileng, di sa emelane le tsela e COVID-19 e di amileng ka teng. Go bothokwa go ela tlhoko gore leeto la go godisa madi ke leeto le le tsayang lobaka lo lo telele go nna le dikgoreletsi mo tseleng. Letlole le ile la diragalelwa ke se se tswang ka 2007-2008 ka nako ya mathata a lefatshe lotlhe a ditšhelete fa thekiso e ne e le ka tsela e e tshwanang mme dimmaraka kgabagare tsa rarabologelwa. Ka jalo, go bothokwa go tlhoma mogopolo mo mokgeleng wa lobaka lo lo telele mme o se itewe tsebe ke ditiragalo tse di ntseng jalo tse di diregang nako le nako.

2 Letlole le dirang go thibela madi a ke a bolokelang nako ya go rola tiro go fokotsega go ya pele?

Letlole le laolwa ke Boto ya Batsamaisi ba ba nang le maikarabelo a botsamaisi go laola madi a a bolokilweng ke maloko ka kelothoko le matssetseleko. Batsamaisi ba thusiwa ke Mogakolodi wa Dipeeletso yo o ikemetseng yo o tlhomilweng go gakolola le go kaela Batsamaisi mo go direng le go tsenyeng tirisong leano la peeletso ya lobaka lo lo telele. Leano la letlole le thusa ka dinako tsa mathata a magolo ka go tihomamisa gore karolwana ya bothokwa ya Letlole e beeditswe mo dipeeletsong tsa mathata a mannye le tse di sireleditsweng. Seno se tihomamisa gore ka dinako tse di jaaka kganelo ya batho go tswa mo matlong, tsela e maloko a amegang ya yone e nna kwa tlase go na le kwelotlase e kgolo mo dimmarakeng tsa ditšhelete. Letlole le tswela go ela tlhoko maemo mme le tla tsaya dikgato tse di thokegang go fokotsa mathata a le kgonang go a laola.

3 A madi a ke a bolokelang nako ya go rola tiro a tla fokotsega go ya pele?

Ga go itsiwe gore go thibela batho go tswa mo matlong mo lefatsheng lotlhe go tla tswela nako e e kae le gore a thekiso e kgolo mo dimmarakeng tsa ditšhelete e ne e le ya nakwana kgotsa e tla tswela go ya pele. Fa kganelo ya batho go tswa mo matlong e ka tswela re ka bona go koafala mo go tsweleng mo dimmarakeng tsa ditšhelete mo go ka fokotsang madi a o a bolokileng go rola tiro. Le fa go ntse jalo, go lemoga gore maemo a mathata a a feteletseng a nna gone nako le nako, go bothokwa go tlhoma mogopolo mo mokgeleng wa lobaka lo lo telele.

4 Dimmaraka di tla rarabologelwa leng?

Ga re itse gore dimmaraka di tla ritibala leng e bile ga re tlhologanye sentle tshenyho ya nako e telele mo ikonoming ya lefatshe e e tilling go bakwa ke kganelo ya batho go tswa mo matlong. Se re se itseng ke gore dimmaraka tsa ditšhelete di tsiboga ka bonako thata mme dikgang dipe tsa go fokotsega ga Covid-19 mo lefatsheng le go fokotsa go anama go ka dira gore dimmaraka di baakanyege fela thata le go phimola tatlhego ya nako e e fetileng. Letlole gape le latela leano la go dira dipeeletso tse di farologaneng mo go kayang gore ka dinako tsotlhe go na le dikarolo dingwe tsa potofolio tse di tla dirang sentle le dikarolo tse dingwe tse di ka nngang tsa se dire sentle. Ka jalo, tsela e Letlole le dirilweng yone le dirile mekgwa ya tshireletso ya tatlhegelo e kgolo go thusa mo ditiragalong tse di jalo tsa mathata mme ka tsela e e tshwanang e ka dira mo kgonang fa dimmaraka di rarabologelwa.

5 Ke tshwanetse go bo ke dirang jaaka leloko mo nakong eno?

Go bothokwa go nna o gakologetse gore dipoloko tsa nako ya fa o rola tiro ke dipeeletso tse di tsayang lobaka lo lo telele tota le gore dikwelotlase tsa nako e khutshwane di direga nako le nako mme di ka direga e le mokgwa wa dipoelo tse di kgolo tse di siameng le dipoelo tse di kgolo tse di sa siamang tse di jaaka tse re di bonang gone jaanong. Motho ga a tlhoke go tshoswa ke go ya godimo le tlase ga jaanong mme o tshwanetse go tlhoma mogopolo mo mokgeleng wa lobaka lo lo telele wa go bolokela fa o rola tiro.

6 Go diragalang fa ke emisa go tsenya madi mo letloleng la me la go rola tiro?

Fa o emisa go tsenya madi mo letloleng la gago la go rola tiro mo nakong eno e e sa tihomamang jaaka go leteleletse ke Financial Sector Conduct Authority, boleng jwa ga jaana jwa letlole la gago bo tla nna bo beeditswe mo letloleng mme bo tla tswela go amogela dipoelo tsa dipeeletso. Ke fela gore ga o tle go tsenya madi a a oketsegileng go boleng jwa gago mo nakong eno. Fa tsietsi eno e fedile mme go tsenya madi go simolotse gape, boleng jwa letlole la gago bo tla tswela go gola mmogo le dipoelo tsa madi a o a tsenyang le a peeletso. Ga go na dikotlha kgotsa ditshenyegelo tse di duediswang fa o emisa go tsenya madi ka nako eno.

7 Ke tla amega jang fa ke rola tiro kwa bowelong jwa 2020

Fa o rola tiro kwa bowelong jwa 2020 o tla tlhoka go buisana le mogakolodi yo o tlhomilweng ke Letlole wa letlole la go rola tiro gore a rulaganye sentle go rola tiro ga gago. Tsweetswee ikgolaganye le Letlole go rulaganya go kopana le mogakolodi. Jaaka go tlhalositswe fa godimo Letlole le latela ditsela tse di farologaneng tsa go beeletsa ka go dira jalo le thibela madi a maloko go beeletswa go dirisiwa leano le le lengwe. Mokgwa ono wa go anamisa matlotlo a letlole mo dipeeletsong tse di farologaneng mmogo le gore o beeditswe lobaka lo lokae go tshwanetse ga go naya tshireletso e e batlegang go thusa mo dinakong tseno tse di boima.

Ntšhafatsa dintlha tsa go ikgolaganya le wena

Re rata go nna re go itsise tshedimosetso e e amanang le letlole.

Tsweetswee gakologelwa go ntšhafatsa dintlha tsa go ikgolaganya le wena segolobogolo nomoro ya mogala le selulafounu fa go direga gore dintlha tsa gago di fetoge.


Ka tsela eno re ka kgona go tswela re go sedimosetsa.



Re ka itumelela maikutlo a gago

Gape re na le Metswedi ya Tshedimosetso ya Facebook le Twitter, e e dirang gore o nne le tshedimosetso ya sesweng malebang le ditiragalo tsa rona tsotlhe mmogo le ditiragalo tse di malebang le Letlole. Dipotso le tsone di arabiwa le go rarabololwa ka yone nako e o di botsang ka yone mo inthaneteng.

O re sale morago go Facebook le Twitter mme o nne o na le tshedimosetso ya sesweng:

 <https://www.facebook.com/mineworkerpf>

 <https://twitter.com/Mineworkerspf>

Re rotloetsa maloko otlhe gore a dirise dilo tsotlhe se di thusang tsa letlole la MWPF go re thusa go lo tlamela ka ditirelo tsa maemo a a kwa godimo.

